

ديوان القمر الهاشمي

الراوي الدكتور / خالد أحمد المصطفي (رحمه الله)

مديح الغزل الحسي



السلام على النبي

اداء طه سليمان

قصيدة كتبت بعد الدخول على النبي صلى الله عليه وسلم والسلام عليه في
مسجده الشريف بالمدينة المنورة

سلامك ليه طعم تاني
رعدة روح تسري دبيب
ومن قصر ك نسيم جاني
كالرحمات وحضن حبيب

ونفحة شوق حنين داني
وشوفتك لي علاج وطبيب
رفيف أشواق لطيف جاني
ريحة مسك وطعم حليب

في الساعات سعيد هاني
اعاين القبة نورا رهيب
وجبريل يوحى ليك حاني
خيال نوراني شكلو عجيب

تفك البانس العاني
وللمسكين تملي تجيب
وكل آمال عليك باني
تفك المستحيل وعصيب
في حبك دوام فاني
غرامك في ضلوعي لهيب
إلى ما ألبس اكفاني
واجيك بي سكة التغريب
لوحة جميلة تملاني
مأذنك عشرة بالترتيب
رعايتك ديمه شاملاني
احس بي راحة بعد مشيب

صلاتي عليك تنجاني
من الهم الشديد وكريب
وليك تغني الحاني
وترفنان وريشة اديب

ديوان القمر الهاشمي

الراوي الدكتور / خالد أحمد المصطفي (رحمه الله)

مديح الغزل الحسي



القمر اداء فيحاء محمد علي

من قصائد المحبة والتعظيم

انت في الميعاد رجاتي
وفيك محمد كل حياتي
وبيك اسلامي ونجاتي
وعليك يتجمع شتاتي

انتو لو عارفين جمالو
وحسن آدابه وبيانو
كان بتحتاروا في كمالو
والقمر ساب لي مكانو

دا الجمال الاصلي نورو
خلي يوسف يحكى عنو
في السماوت حين يزورو
وموسى يا ناس غار منو

حين قال صاحبو الراآه
الشمس في وجهو جاريه
جل من بالنور براهو
وحتى خلقو ماها داريه

انتو لو شامين عطورو
زي صاحبتو شمو مسكو
كان بتقطفوا لي زهورو
وكان عرفقو الحب ونسكو
دي ام معبد وصفو قالت
أجمل الناس وأحلى
ثم في الاوصاف والت
ادعج العينين صحلا
ربي صلي على رجاتا
واعظم الانسان قدرا
واعظم الخير اللي جانا
وزينة الاقمار بدرا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

مقصود الهداة

عاجبني مقصود الهداة
ساروا بي مدحو الرواة
سبحان من أحيا وأمات
واختار للدين الحماة
السدد الجيش والكمأة
والرمية في إيد الرماة
بثني بي دايم الهبات
الخاطب الطير والنبات
غار ملان ثعبان و بات
دا العلم الجبل الثبات
الاحيا مؤدة النبات
الهد سواعا ومناة
الشق للدين الفتاة
دا الكف ايدين الجنة
الشفه بالبشرات جات
النور لمع شق الدجاة
الخر ساجد في صلاة
في الاخرة للناس النجاة

يا اللسان أمداحو هات
أطربني بي كل الجهات
الفيل وابابيل والعصاة
والعير كذا بير والحصاة

يا الرسول ملك الرعاة
سيدي الرسول قايد الدعاة
سيدي الرسول بطل الغزاة
دا الرسول منهج حياة
صلي ربي وزيد جزاة
الطاهر القايد السراة
عد نيلنا مليون والفرات
والطير ثمارك والنواة

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

الذهب المسبك

في الفؤاد شايِلنو حبك
انت يا الذهب المسبك
واصلو ما بنقدر نغبك
والقلب هايج مشبك

انت وين بلقوهو زيك
يا جميل ابيض مشيك
طبت يا الطيبيت حيك
والقمر انواره ضيك

انت لا متناهي سرك
انت فيض الاصلي برك
للقمر بصباعو حرك
يا حبيب الله درك

يا كريم وكريمه يدك
يا بليغ الشافي ردك
يا عطير عنبر وندك
يا صدوق مزحك وجدك

انت يحلو عندي نمك
زي سواد حباك وضمك
يا اصيل وملوكي دمك
في الحديث يسلم لي فمك

لما غاب الضو وحلك
شاع وعم النور مهلك
ثم جاك جبريل وطلبك
والغمام يبراك وظلك

المديح مشغول بفنك

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

ما الكارم نابعه منك
والفضايل تروى عنك
والعشوق يسكر في دنك

كم ملايين قاصده فجك
وفي الوداع بكاني حباك
وفي احد ألمني شباك
والشراب اسكرني مجك

للملك صلوات وربك
عد ما النسمات تحبك
وعد ما الانسام تهبك
من منابعك لي مصبك

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

الساكن فؤادي

اداء عصمت بكري

قصيدة في المحبة والتعظيم

الساكن فؤادي
يا نور العيون
يا غنوة بلادتي
وسداد الديون

الطاهر وهادي
والدر المصون
الجادب ودادي
بالأنفال ونون

دائما في جهاد
فاتح للحصون
هابوه الأعادي
صادق لا يخون

ربيان البوادي
بالرفقة وسكون
ويحرك للجما
الحب الشجون

طبيب لا يعادي
الباسم حزون
ويرحم للعباد
من كل البطون

وما أحلاه بادي
الواسع العيون
محبوبي وزادي
والهومات لحون

أحبك قلبي صادي
أحبك بي جنون

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

منك طال بعادي
وقاربت المنون

دايما بيك شادي
نشأتك ليك قرون
وينادي المنادي
وأفارق للسجون

في الأرواح أنادي
للصادق المأمون
يا سندي وعتادي
وتبقى لنا عون

صليت يا معادي
بي كن واليكون
يا رب الرشاد
على طه الحزون

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

يا زمن رجعتي تاني اداء محمود عز الدين

قصيدة في المحبة والتعظيم

يا زمن رجعتي تاني
داير احب الماحي بدري
أحبو بحساب الثواني
واشيلو في عيني وصدري

كيف غفلت سنين طويله
وضاعت أيامي وشبابي
وشيبه كيف أقدر أزيلا
ونفسي زادت لي عذابي

أيام محبة سيدي طه
أجمل أيام في حياتي
نفسي تحلم بي رجاها
وتبقى أسباب لي نجاتي

ده حبيبي سيد المرسلين
حبو احلى من الحلا
حب يخلي القلب يلين
وكلما تزيد في الصلا

حب يجدد للمعاني
وشرط واجب في العباده
والله رب الكون حباتي
أبشروا يا ناس بالسعاده

امة مغفورات ذنوبا
دي امة ترحم للامم
امة راقده على جنوبا
يوم جهنم في الحمم

ابشروا يا ناس واعرضوا
دا الحبيب ختم الطلب
والرب حباهو وقيضوا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

في الرحمة بأقيلكم سبب

صل ربي على المطاع
صلي ربي على البشير
صلي من غير انقطاع
صلي لي نعم العشير

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

ابن عبدالمطلب

قصيدة في المحبة والتعظيم

زي سواد بن الغزيه
منايا يا محبوب أضحك
وابقى زي خالك وعمك
وما تجيك ابدا اذيه

في بدر يكريني غمك
وانت بتقود السريه
وفي احد عذبنى دمك
يا نبي الباري العليا

انت قايد كل صوله
وانت اولنا في خطابو
وربي انزل في كتابو
النبي من ذاتنا اولى

في حنين تهتف تقول
انا ابن عبد المطلب
شجاعة تدهش للعقول
موقف يثبت للقلب

أهدي ليك يا حبي ورده
في حماك أكسيني برده
اشكو ليك الارض جرده
وقلبي من السوء أردا

ولم اجد يا ربي أجدى
من لزوم الباب وسجده
وفي محمد خير نجده
ومجد طه الأعلى مجدا

صلي يا مالك قلوبنا
عدد الرمال عدد الحبوب
وسلامنا كالواجب وجوب
وامسح لنا بيبها الذنوب

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

أحرموني

أداء عبير علي

أداها ايضا محمد عمر

أحرموني ولا تحرموني
الصلاة للنبي العظيم
بزيارة النبي أكرموني
في مقامو أكحل عيوني
واقول يا طه أنجدوني
الهُوى وابليس ضيعوني
ربي قال عنده استغفروني
نفسى ظالمة يا ثواب رحيم
بالصلاة في الروضة أرحموني
ماج قلبي وهاجت شجوني
عسى ربي يغفر مجوني
والخطايا البیها أبتلوني
شفيعى طه يسدد ديوني
والأضاع العبد الرميم
ور وعظمة في غاية السكون
وفي البقيع اضطربت لحوني
هم دعوني وما ودعوني
ديل صحابة النبي شرفوني
في سيدى حمزة الأنوار كسوني
فيه ريحة المسك الفخيم
بكلام النبي كلموني
وبحديثه العاطر هدوني
وبعظمته الناس علموني
يا وضئ الوجه الحنون
بشفاعته الكبري استروني
ادخلن جنات النعيم
شافوا مرضى بعد شخصوني
بالصلاة عليك قد وصوني
وبسلام النبي أختصوني
وعوم الآل المصون
تبقي درعى وبارزات حصوني
وتأت الله بقلب سليم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

يا ليلي ليلك ساكن
أداء عبد العظيم الفاضل
وعاصم البنا ووليد زكي الدين
لحن عاصم البنا

يا ليلي ليلك ساكن
وسحابك اسود داك
وقع المرید في شباكن
أصبح مشغول بغناكن
لا يستطيع لجفاكن
والعاشق أصبح شاك
لو ألقى يومي اراكن
أو نظرة في خباكن
جذب القلوب جواكن
ودواي برضو هواكن
يا ليلي أرجو وفاكن
لا يستطيعو ازاكن
بارزة ومنیعة حماكن
والرغبة ابقى حداكن
سبحان من ارواكن
بالتقوى ثم رعاكن
انوارو روعة كساكن
سلب القلوب حباكن
من الكنوز أعطاك
يا ليلي خيرو ملاكن
من هم وغم انجاكن
من رحمتو ودناكن
في صدور تدوي براكن
يا ليلي حبو حواكن
ذنبو الفقير صباكن
هايم رجا هو رجاكن
يا رب صل واملاكن
عدد البحور وأفلاكن
عدد الدموع وبواكن
عدد البيوت وسواكن

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

بسماتك ترد الروح لحن وأداء سيف الجامعة

بسماتك ترد الروح
وتجبر خاطر المكسور
وهمو تقيل

كلامك في العسل منقوع
يشد الحيل يزيل الجوع
يبلل خاطر الموجدوع
مركز في الفؤاد مطبوع

كلامك اساسو رب الناس
يشفي وساوس الخناس
ويعجب كافة الأجناس
المدرّوس وزبط مقاس

كلامك في محل القول
لا حرفا يزيد في الطول
كلام عايم ويخص الزول
بليغ وجميل كمان مصقول

الفاظ تدهش السامعين
جواهر في عقد لامعين
من في حضرته وجامعين
يطرقوا والعيون دامعين

قالت وعائشة معروفه
جمل محسوبه بحروفا
وبالمنوع ومصروفا
كانو سبيكة مصفوفه

وصمتك في حقيقته وقار
كلام تستتجوا الانوار

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

مع صديق في بطن الغار
كلام غواصو في الاغوار

صلاتي والسلام مصحوب
تخص الطاهر الموهوب
نبينا الهاشمي المحبوب
صلاة تكشف المحبوب

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

السودان العاشق

يا ليله ليلىك وحالك
سودانا العشقوا جمالك
ودانا المذهب مالك
راغب في دهبك ومالك
يا روي المالي ومالك
انا راجي الراحم ومالك

يا بلدي العز آمالك
وطه اليشيل احمالك
صلواتك خير اعمالك
ما اجمل لبس اسمالك
كل القلوب تهمالك
فوق الجهاد تحمالك
كل الشباب يسمالك
حب طه يكون راسمالك

يا ليلي وطننا السالك
والفال الخير هو فالك
اكرم بي عمك وخالك
وبي كل القلب الشالك

يا ليلي هديل زمالك
ما فينا جفاك واهمالك
خلينا في خاطرك وبالك
انعام ومدود احوالك
يا ليلي بنعشق آلك
وبلادك وحتى رمالك
ما بنخشى الخطر الهالك
والليل المظلم وحالك

ارجوك يا ليلي وصالك
يا دره اسرني خصالك
والقلب جريح بنصالك

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

يا غاليه غلبنى فصالك
صلوات للحضره حبابك
وسلام من بابنا لبابك
سودانا وطن متشابك
وسمانا مضيئ بشهابك
داير شوفتو حالي الريق
داير شوفته حالي الريق
زي فاروق علي وصديق
اسير لي حبه ماني طليق
وفي قلبي بحس بحريق
اقضي الليل زفير وشهيق
اعيش في سهاد ومر الضيق
حبيب من غيره مافي طريق
دا نواره البلاد وفريق
في بحر الريد كليل وغريق
لا باخره وصديق ورفيق
عشمان يوم اقيف في الطاق
وقلبي حذاك واقول مشتاق
فرحان قلبي هادي وراق
بالفاق للكليم واسحاق
شلع براق جهة قربان
وهيج لي قليب خربان
طريت الحضري والعربان
وضاوي النور دوا الجربان
صلاتي عليك نور الكون
نصلي والقليب ممكن
بالاسماء كان يكون
في طابه نلقى لنا سكون

أ ب ج د ه و ز ح ط ي ك ل م ن س ع ف ص ق ر ش ت ث خ ذ ض ظ غ

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

شوفتك راحة

شوفتك راحه عال العال

وبسال ليها رب متعال

ولى رجليك ابقى نعال

شوفتك فيها راحة بال

وهجرك لينا موت ووبال

وصدك يا حبيبنا جبال

اوصل لي حبال بحبال

افتح لينا فيكا مجال

واقبل لي شعر وازجال

نمدح ليك وصحبه رجال

ونسري للمدينه عجال

تعرض لي فيك احوال

واسأل نفسي الف سؤال

واقول اشعار اقول موال

وهجرك يا حبيب احوال

بتوقع كلمة والعزال

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الغزل الحسي

اقول محبوبي نور وغزال
ريدك صاب مرض وهزال
ومن القلب غيرك زال

حبيب غير طه والله محال
وكشفي عدل لطيبه يحال
اب عنين سود وكحال
بالقدمين وروح رحال

ارحم فيني شوقي الطال
وقلبي الفي الحنان بطل
وما معدود من الابطال
ودمع الريد تقيل ارطال

يا رب الجمال وجلال
صلي على الصباعو زلال
النور القمر وهلال
عدد قطرات ماء شلال

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الغزل الحسي

الامه السعيده

النبي المليون محنه
مهما قلنا او شرحنا
وبيك نزايل لي محنا

بي ادا الصلوات فلحنا
بيك في الميزان رجحنا
وربي بارك لي قدحنا
ولي قمحنا وزاد بلحنا

في المعاد شافنا ولمحنا
وبالحجول يعرفنا نحن
وشربه من كوثر نضحنا
وطه في الجنات فرحنا

روحه تحضر ان مدحنا
ولينا يشفع ان مزحنا
ومنه نفرح بي منحنا
والجنان عزو ومرحنا
في هواك عمنا وسبحنا
وبي هداك ثلنا وربحنا
صمنا صلينا وذبحنا
على الامم فزنا ونجحنا
دا طه خصانا ونصحنا
وبي امور الخير صلحنا
فرس وروم جاهو افتتحنا
وبي عطور النور رشحنا
بالوداد والحب سرحنا
بي كل قبائلنا وسحنا
ورغم اخطانا ولحنا
دعاه بارك لي صحننا
صل ربي على سمحنا
البيهو للاديان كسحنا
من مدود الفيض نفحنا
وبي لغه اعراب فصحننا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

انعش روي

هيامي وبوحي كريم هون
بيه انعش روي رسول الله

بديت بي من انزل الماعون
وقال يا عباد الاله هابوني
في الثلث الاخير ناجوني
وبي طاعات وقيام هادوني

في بلوات الصعاب نادوني
وبالدعوات الجميع والوني
في النيران كل من عادوني
زي فرعون ومصير قارون

المولى يقول بطشي للكادوني
وبالكفران والعدا وجافوني
في يوم الدين العظيم وافوني
لا اموال لا بنين فادوني

ثنيت بالفاق موسى والهارون
وقال يالشوق اخوتي الشاقوني
في الكوثر في المعاد لاقوني
والاكواب عد من كاسوني

كريم وهاب اقبل الراضوني
وفي قربات الرسول اخوني
وللخيرات والكرم ساقوني
في طرقات الحياة وصانوني

واغفر لي ثم للعابوني
وللاضياف كل من زاروني
واكرم لي كل من راعوني
في الامداح بالسقا وشاشوني

صلاتي علي اب عيون هاجوني
غرام وهيام وللحبيب قادوني
عظيم افخر هما لو حازوني
وبالنظرات والوصال راعوني

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

شفتوا يا ناس زي نبينا

مافي يا ناس زي نبينا
شوف ملايين ناس تحبوا
وفي طبيعتو رؤف علينا
وفي الكتاب يشهد له ربه

ونحن اسعد امة غايتو
وبي نبينا الامي نزهو
نحن مبعوثين في رايتو
نحن صاحبين ما بنسهو
اول الناس في الشفاعة
واكثر النبيان جماعه
واعظم المخلوق طاعه
والمخالف شرعو ضاعا
في نشورنا من المقابر
اول الناس في خروجو
ثم يتلو هو الاكابر
يوم حشر الناس تموجو
هو المبشر للخلايق
والجنان مفتاحا عندو
يوم تنقطع العلايق
يوم خاب ابليس وجنده
اول الناس في سجودو
واكرم الانسان كافه
وانعش الاكوان وجودو
والبشر من حوله زافه
اكثر المخلوق كرامه
والخطيب يوم الوفود
ينقذ الناس من ضراما
بالتضرع والسجود
سيد الناس في القيامة
وقائد الغر الحجالي
قلبي مليان بالهياما
ونحن نتبخر حجالي
صلي ربي كما امرت
وضاعف الصلوات وزيدا
ما ابحت وما ضمرت
ألف مليار وعيد وعيدا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الغزل الحسي

الوداع

بعد ما قمت من طيبه
وعزمت العوده
نويت أمشي السلام
للهادي ساكن الروضه

جيتك للوداع
يا سيد حياتي وروحي
حبك يا المطاع
فرتقلي كل جروحي
كيف اقدر اقول
بي جسمي تاني العوده
يا أسمى العقول
فخر الحجاز وبلوده

وداعك مستحيل
خلفت فيك انا كلي
يا أب صوتا صحيل
ارحم لضعفي وذلي

أنا إن مشيت
قاعد معاك بي جسمي
بالحب اتحشيت
في القبه مكتوب اسمي

أفارقك يا حبيب
والله حنوطي وكفني
ومين غير النجيب
البي الوداد اتحفني

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الغزل الحسي

وداعك لا يكون
انا قلبي ساكن الساحة
يا واسع العيون
بيك القلوب مرتاحه

مقام خادمك صحيح
زي السمك في بحرو
وفراق الحب وحيح
متل البعير في نحرو

ما جيت شان اودع
انا قصدي شوف انوارك
والله لو اجدع
أنا ما بفوت أسوارك

صليت والسلام
في كل لحظة وثانيه
يا فخر الانام
عدد البتحوي الفانيه

ديوان القمر الهاشمي

الراوي الدكتور / خالد أحمد المصطفي (رحمه الله)

مديح الغزل الحسي



جمال زي دا

جمال زي دا أصلو ما معقول كريم الذات فيك يطيب القول

رسول معشوق القلب بيه هام أبيت النوم عقلي شارد وهام
رسول بالسيف كان يزيل الهام وفي السماوات عزو شخصو الهام

نبي البركات طبعه ماهو الحام وفي الاجناس جنسو سام ما حام
وفي الملكوت في العروج وحام وللمسكين والضعيف ليه حام

دا المعروف غير الف واللام وحاشا يقول السباب او لام
وللايتام والضعاف اللام حبيب الروح ماسح الآلام

في الاصلاب عبر نوح لي سام وابراهيم قدره عالي وسام
وفي الاعجاز لا يعيقه السام وللكفار بالهوان السام

في التخصيص الكلام ما عام وبالذعوات شان نوافي العام
نبينا يقوم بالشهور والعام حفير البير فيه يسبح وعام

المسعود عبي زاده وقام جوار حبي صلى فرضو وقام
وبالاخلاص خلى نومو وقام ويا رحمن غطي زرعه القام

صلاة وتسليم معظم اللهجات وما زارت ليك وفود او جات
وللمحبيب ترفع الدرجات وتعديل لنا في العوجات